

ასიროლოგია (Assyriology)

BA

სავალდებულო კურსები

(Compulsorily courses)

1. აქადური ენა 1

Akkadian language 1

კურსი შეასწავლის სტუდენტს აქადური ენის გრამატიკის (მორფოლოგიისა და სინტაქსის) საფუძვლებს და საბაზისო ლექსიკას, აქადური დამწერლობის მარტივი ნიშნებს; ენის სტრუქტურის ძირითად საფუძვლებს. მიღებული ცოდნით შესაძლებელი იქნება მარტივი წინადადებების თარგმნა და გრამატიკული ანალიზი.

2. აქადური ენა 2

Akkadian language 2

კურსის ფარგლებში სტუდენტი უფრო ღრმად შეისწავლის აქადური ენის სტრუქტურას, გრამატიკას, დამწერლობას; გაეცნობა აქადურ ტექსტებს, უკეთ გაერკვევა ლურსმული დამწერლობის ნიშნებში, გაიმდიდრებს ლექსიკურ მარაგს.

3. აქადური ენა 3

Akkadian language 3

კურსის გავლის შედეგად ბაკალავრი იღრმავებს აქადური 1 და აქადური 2 კურსების ფარგლებში მიღებულ ცოდნას, შეისწავლის მორფოლოგიისა და სინტაქსის საკვანძო საკითხებს, კიდევ უფრო გაიმდიდრებს ლექსიკურ მარაგს, რაც საშუალებას მისცემს, არა მხოლოდ წაიკითხოს აქადური ტექსტები, არამედ შეძლოს მათი ტრანსლიტერირებაც.

1. ხეთური ენა 1

Hittite language 1

კურსის ფარგლებში სტუდენტი შეისწავლის ხეთური ენის გრამატიკის საფუძვლებს – ძირითად გრამატიკულ კატეგორიებს, გაეცნობა ხეთური და, ზოგადად, ლურსმული დამწერლობის სისტემის თავისებურებებს. შედეგად, სტუდენტი შეძლებს ნიშანთა ცხრილებით სარგებლობას, ხეთური ტექსტის ლურსმული პირის (ავტოგრაფიის) კითხვას და ტრანსლიტერაციის გაკეთებას.

2. ხეთური ენა 2

Hittite language 2

კურსის ფარგლებში სათარგმნი ტექსტების და სავარჯიშოების გართულების გზით ხდება წინა საფეხურზე მიღებული გრამატიკული ცოდნის სრულყოფა. სტუდენტი გაიწაფება ასევე ხეთური ტექსტების ლურსმული პირის კითხვასა და თარგმანში, მოხდება ხეთური ლექსიკური მარაგის შევსება და განმტკიცება აქტიურ მეხსიერებაში.

3. ხეთური ენა 3

Hittite language 3

კურსის ფარგლებში სტუდენტმა უნდა დაამუშავოს და გაიაზროს სხვადასხვა ჟანრისა და ნებისმიერი სირთულის ხეთური წერილობითი ძეგლები, შესაბამისი კონტექსტის (ისტორიული, გეოგრაფიული, სამართლებრივი, მითოლოგიური და სხვ.) გათვალისწინებით. იგი გაიწაფება ტექსტის ლურსმული პირის კითხვაში და შეძლებს ტრანსლიტერაციის გაკეთებას ნებისმიერი ხეთური ლურსმული ტექსტისა (იგულისხმება ტექსტი, რომელიც არ არის გამოცემული ან არ ყოფილა ლექცია-სემინარებზე სპეციალურად დამუშავებული).

4. შუმერული ენა 1

Sumerian language 1

კურსის ფარგლებში სტუდენტი შეისწავლის შუმერული ლურსმული დამწერლობის სისტემის თავისებურებებს, ლურსმული ნიშნების როგორც მნიშვნელობებს, ასევე მათი წერის კულტურას. შედეგად, სტუდენტი შეძლებს ნიშანთა ცხრილებით სარგებლობას, შუმერულენოვანი მარტივი ლურსმული ტექსტების ავტოგრაფიების კითხვასა და ტრანსლიტერაციების გაკეთებას.

5. შუმერული ენა 2

Sumerian language 2

კურსის ფარგლებში სტუდენტი საფუძვლიანად შეისწავლის შუმერული ენის გრამატიკის საფუძვლებს; ტრანსლიტერაციებისა და თარგმანების მომზადების ჩვევების განმტკიცების მიზნით, წარიმართება საშუალო სირთულის შუმერულენოვანი ლურსმული ტექსტების ავტოგრაფიებზე ინტენსიური მუშაობა.

6. შუმერული ენა 3

Sumerian language 3

კურსის მსვლელობისას სტუდენტები სრულყოფენ შუმერული ენის ცოდნას. ძირითადი აქცენტი გაკეთდება შედარებით რთული შუმერულენოვანი ლურსმული ტექსტების ტრანსლიტერაციების გრამატიკულ-ფილოლოგიურ ანალიზზე. სტუდენტმა უნდა შეძლოს სხვადასხვა ჟანრის შუმერული წერილობითი ძეგლის დამუშავება შესაბამისი კონტექსტის გათვალისწინებით.

7. შუამდინარეთის ისტორია

History of Mesopotamia

კურსის ფარგლებში სტუდენტი შეისწავლის და დაამუშავებს შუამდინარეთის (ბაბილონის და ასურეთის) წერილობით წყაროებსა და არქეოლოგიურ მასალას პერიოდების შესაბამისად; სტუდენტი სემინარებზე თავად წარმოადგენს გარკვეული პერიოდის ისტორიულ ანალიზს დამუშავებული წყაროების საფუძველზე.

8. წინა აზიის ხელოვნება *Ancient Near Eastern Art*

კურსი შეისწავლის წინა აზიის - შუამდინარეთის (ბაბილონის და ასურეთის), ანატოლიის, სირიის, მითანის, ირანის გლიპტიკის ხელოვნების ნიმუშებს, რაც მთლიანად მოიცავს ძველადმოსავლურ პერიოდს (ძვ.წ. IV ათასწლეულიდან აქემენიდების ხანამდე (ძვ.წ. VIIს.) და წარმოადგენს ძველადმოსავლური ხელოვნების საფუძველს. სასწავლო კურსი სტუდენტს გაარკვევს წინა აზიის ხელოვნების ძირითად ეტაპებში, რაც საშუალებას მისცემს მას გაიაზროს წინა აზიის ცივილიზაციები ძველადმოსავლური პერიოდში (ძვ.წ. III-I ათასწლეულები).

9. წინა აზიის რელიგიები *Religion of Ancient Near East*

კურსი შეისწავლის წინა აზიის - შუამდინარეთის (ბაბილონის და ასურეთის), ნაწილობრივ ეგვიპტისა და მცირე აზიის მითოლოგიას და რელიგიურ სისტემებს, კონტექსტში გაანალიზებს შუამდინარეთისა და საერთოდ წინა აზიის მითოლოგიას, რელიგიებს და ლიტერატურას ძველადმოსავლურ პერიოდში (ძვ.წ. III-I ათასწ.).

10. წინა აზიის ლიტერატურა *Literature of Ancient Near East*

კურსი შეისწავლის ბაბილონისა და ასურეთის სამეფოების ლიტერატურას წინა აზიის კონტექსტში. ითარგმნება ლიტერატურული ტექსტების ტრანსლიტერაციები და დამუშავდება ლიტერატურა (შუმერ მეფეთა ეპიკური ჟანრის ნიმუშები, ანზუს მითოსი, ეტანას მითოსი, ენხედუანას პოეზია, ინანა და დუმუზის ყველა ვერსია). ლექციების კურსი მოიცავს გილგამეშის ეპოსის ძველადმოსავლური ვერსიების თარგმანებს. ყურადღება გამახვილდება ხურიტულ, ხეთურ, პერიფერიულ ვერსიებზე.

11. მცირე აზიის ისტორია *History of the Asia Minor*

კურსის ფარგლებში სტუდენტი შეისწავლის მცირე აზიის ისტორიასთან დაკავშირებული წყაროებს, გაანალიზებს ამა თუ იმ სახელმწიფოს მმართველის მოღვაწეობის არეალს, მის საშინაო თუ საერთაშორისო ურთიერთობებს. კონკრეტული პერიოდით თუ ტექსტით დაინტერესებისას, სურვილისამებრ, შესაძლებელია თემის ინდივიდუალურად გაღრმავება და დამუშავება.

12. წინა აზიის სამართალი *Ancient Near Eastern Law*

კურსი შეისწავლის ძველი წინა და მცირე აზიის (მესოპოტამია, ხეთის სამეფო) საკანონმდებლო დოკუმენტებს. სტუდენტები არსებული საკითხების ირგვლივ

დაამუშავებენ სამეცნიერო ლიტერატურას, თარგმნიან ტექსტებს და მოახდენენ მათ მეცნიერულ ანალიზს.

13. წინა აზიის დიპლომატია

Diplomacy of the Ancient Near East

კურსის მსვლელობისას სტუდენტი გაეცნობა ძველი წინა და მცირე აზიის (მესოპოტამია, ხეთის სამეფო) დიპლომატიურ დოკუმენტებს, შეისწავლის ძველი წინა აზიის დიპლომატიურ ტექსტებს. მოხდება არსებულ საკითხების ირგვლივ სამეცნიერო ლიტერატურის დამუსავება და მათ კრიტიკულ გაანალიზება.

შენიშვნა

ასირიოლოგიის საბაკალავრო პროგრამის სტუდენტებს ევალებათ მხოლოდ შემერული ან ხეთური ენების სრული კურსის გავლა.

არჩევითი კურსები (Optional courses)

1. ახლო აღმოსავლეთის ქვეყნებისა და საქართველოს ისტორიული ურთიერთობები *Historical Relations of the Middle East Countries and Georgia*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლის ახლო აღმოსავლეთის ქვეყნებთან (არაბული ქვეყნები, ირანი, თურქეთი) საქართველოს მრავალსაუკუნოვანი ისტორიული ურთიერთობის პოლიტიკურ-იდეოლოგიურ, სოციალურ-ეკონომიკურ და კულტურულ ასპექტებს; განსაკუთრებული ყურადღება დაეთმობა იმ აღმოსავლური (არაბული, სპარსული, თურქული) წყაროების გაანალიზებას, რომლებიც შეიცავს ცნობებს საქართველოს შესახებ.

2. აღმოსავლური კულტურა *Oriental Culture*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლის ახლოაღმოსავლური კულტურის წარმოშობისა და განვითარების ისტორიას; სტუდენტები გაეცნობიან მუსლიმ მეცნიერთა წვლილს ჰუმანიტარული და საბუნებისმეტყველო მეცნიერებების ჩამოყალიბებაში, ასევე მუსლიმური კულტურის ზეგავლენას დასავლეთ ევროპის ქრისტიანულ კულტურაზე, არაბულ-მუსლიმური კულტურის გამოვლინების ფორმებს საქართველოში, საქართველოდან გამოსულ მუსლიმთა როლს საერთო მუსლიმური კულტურის შექმნაში.

3. ახლო აღმოსავლეთის საზოგადოებრივი გეოგრაფია

Human Geography of the Middle East

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლი საქართველოს მეზობელი ვრცელი რეგიონის - ახლო აღმოსავლეთის - სოციალურ, კულტურულ, ისტორიულ, პოლიტიკურ და ეკონომიკურ გეოგრაფიას; სტუდენტი შეიძენს ფართო განათლებას ზემოჩამოთვლილი დისციპლინების ფარგლებში და შეძლებს გეოგრაფიულ და ისტორიულ ურთიერთკავშირებში გარკვევას.

4. ქართული ტექსტის ლინგვისტურ-სტილური ანალიზი 1

Linguistic-stylistic Analysis of the Georgian text 1

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი სტუდენტს მისცემს ფართო ცოდნას ქართული ენის გრამატიკის, კერძოდ, სახელთა ჯგუფთან დაკავშირებულ ყველაზე ძირითად საკითხებში; ამასთანავე, კურსი ითვალისწინებს სამეტყველო ენის დახვეწასა და, ზოგადად, ენობრივი კულტურის გაუმჯობესებას.

5. ქართული ტექსტის ლინგვისტურ-სტილური ანალიზი 2

Linguistic-stylistic Analysis of the Georgian text 2

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსის ფარგლებში მოხდება განვლილ საფეხურზე (ქართული ტექსტის ლინგვისტურ-სტილური ანალიზი 1) მიღებული ცოდნის განმტკიცება და გაღრმავება, რაც, თავის მხრივ, უმნიშვნელოვანეს დახმარებას გაუწევს სტუდენტებს, გამოუმუშავდეთ კომპარატიული აზროვნების უნარი. კურსი, აგრეთვე დიდ გავლენას მოახდენს ფილოლოგიური, კერძოდ კი, ლინგვისტური აზროვნების მასშტაბის გაფართოებაში.

6. ლიტერატურატურის ტიპოლოგიური კლასიფიკაცია

Typological classification of literature

(არაბისტიკის, ებრაისტიკა-არამეისტიკისა და თურქოლოგიის საბაკალავრო პროგრამების არჩევითი საგანი)

კურსი მოიცავს და განიხილავს ლიტერატურული სისტემის კლასიფიკაციას გვარებად, ჟანრებად და სახეებად. მისი ამოცანაა ცალკეული ლიტერატურული გვარებისა და ჟანრების ზოგად კანონზომიერებათა აღწერა, მსგავსებათა გამოვლენა, განსხვავებათა დიფერენციაცია, ჟანრულ ქვესახეობათა სრულყოფილად წარმოჩენა და გააზრება ეპოქალური მოვლენების კონტექსტში.

7. თანამედროვე არაბი ავტორი ორიგინალში (სირიულ-ამერიკული ლიტერატურული სკოლა)

Modern Arabic Author in the Original (Syrian-American Literary School)

(არაბისტიკის საბაკალავრო პროგრამების არჩევითი საგანი)

კურსის მსვლელობისას გათვალისწინებულია სტუდენტის გაწაფვა ორიგინალური, არადაპტირებული არაბული მხატვრული ტექსტის კითხვაში და ამისთვის აუცილებელი უნარების გამომუშავება. ამ მიზნით შერჩეულია სირიულ-არაბული ლიტერატურული სკოლის ორი კორიფეს - ჯებრან ჯებრანისა და ამინ რეიჰანის მცირე ფორმატის მხატვრული პროზა.

8. სირიული დიალექტის ელემენტარული პრაქტიკული კურსი

The elementary practical course of Syrian Arabic Dialect

(არაბისტიკის საბაკალავრო პროგრამების არჩევითი საგანი)

კურსის ფარგლებში სტუდენტი პრაქტიკულად შეისწავლის სირიული დიალექტის სპეციფიკას და საფუძვლებს, რაც გულისხმობს მოცემულ ენობრივ სივრცეში (სირია, ლიბანი, იორდანია, პალესტინელი არაბები) მოქმედი სასაუბრო არაბულის შეთვისებას და მის სრულყოფას.

9. ეგვიპტური დიალექტის ელემენტარული პრაქტიკული კურსი

The elementary practical course of Egyptian Arabic dialect

(არაბისტიკის საბაკალავრო პროგრამების არჩევითი საგანი)

კურსი შეასწავლის სტუდენტს ეგვიპტურ დიალექტზე მეტყველების ელემენტარულ უნარებს, რათა ეგვიპტურ გარემოში ყოფნისას კურსდამთავრებულისთვის არ იყოს ძნელი პირველადი საკომუნიკაციო კონტაქტების დამყარება იმ პირებთან, რომელთაც არ იციან სალიტერატურო არაბული, ან ურჩევნიათ ეგვიპტურ დიალექტზე მეტყველება.

10. ნიზამის ენა რომანული პოემების მიხედვით (ტექსტის ლინგვისტური ანალიზი)

Nizami's language according to romantic poems (Linguistic analysis of text)

(ირანისტიკის საბაკალავრო პროგრამების არჩევითი საგანი)

დისციპლინა შეისწავლის შუა საუკუნეების სპარსულენოვანი პოეზიის უდიდესი წარმომადგენლის, ნიზამი განჯელის (1141-1209) ენას. ამ თვალსაზრისით, კურსის მსვლელობისას განიხილება პოეტის ორი რომანული პოემა - "ხოსრო ვო შირინი" და "ლეილი ვო მაჯნუნი." შერჩეული ფრაგმენტები გაანალიზებულია ლინგვისტური თვალსაზრისით, რაც მოიცავს ტექსტის დაწვრილებით ანალიზსა და თავისებურებათა გამოყოფას.

11. სპარსული ფოლკლორი

Persian Folklore

(ირანისტიკის საბაკალავრო პროგრამების არჩევითი საგანი)

კურსის ფარგლებში სტუდენტები გაეცნობიან ირანელების ზეპირსიტყვიერებას. სპარსული ფოლკლორის სწავლება მოიცავს სამ ბლოკს: I. ზოგადი ფოლკლორისტიკის ელემენტები; II. ირანული ფოლკლორისტიკის ისტორია; III. სპარსული ფოლკლორის ნიმუშები.

12. ოსმალური ენა 1

The Ottoman Turkish Language

(თურქოლოგიის საბაკალავრო პროგრამების არჩევითი საგანი)

კურსის ფარგლებში სტუდენტი შეისწავლის არაბულ გრაფიკას, კონსონანტთა გადაბმის წესებს, ხმოვანთა სისტემას, მიიღებს საბაზისო ცოდნას ოსმალური ენის ფონეტიკა–ფონოლოგიასა და მორფოლოგიაში. კურსის გავლის შემდეგ სტუდენტი შეძლებს ოსმალურად მარტივი ტექსტების კითხვას.

13. ოსმალური ენა 2

The Ottoman Turkish Language

(თურქოლოგიის საბაკალავრო პროგრამების არჩევითი საგანი)

კურსის ფარგლებში სტუდენტი გაიდრმავეებს წინა საფეხურზე (ოსმალური ენა 1) მიღებულ ცოდნას მორფოლოგიაში და შეისწავლის სინტაქსის ძირითად საკითხებს. განსაკუთრებული ყურადღება დაეთმობა ენაში დამკვიდრებულ არაბულ კონსტრუქციებს, არაბული ზმნის თემათა სისტემას. კურსის გავლის შემდეგ სტუდენტი შეძლებს ოსმალურად მარტივი ტექსტების კითხვას და გამოუმუშავდება ამ საგანში მუშაობისთვის საჭირო უნარ–ჩვევები.

14. ებრაული და არამეული ენების ისტორიული ფონეტიკა და ფონოლოგია

History of phonetic and phonology system of Hebrew and Aramaic languages

კურსი შეისწავლის ებრაული და არამეული ენების ფონეტიკისა და ფონოლოგიის ძირითად თავისებურებებს, როგორც სინქრონულ, ისე დიაქრონიულ ჭრილში, გააანალიზებენ სხვა სემიტურ ენებთან ებრაული და არამეული ენის მსგავსება–განსხვავებასა და ურთიერთმიმართებებს.

15. ხეთური ენა 4

Hittite language 4

(ასირიოლოგიის საბაკალავრო პროგრამის არჩევითი საგანი)

კურსის მსვლელობისას აქცენტი კეთდება ლექტორის მიერ შემოთავაზებული სხვადასხვა ჟანრის და ნებისმიერი სირთულის ხეთურ ტექსტზე მუშაობაზე, მათ გრამატიკულ-ფილოლოგიურ ანალიზზე. სტუდენტი უნდა გაიწაფოს ტექსტის ლურსმული

პირის კითხვაში და შეძლოს ტრანსლიტერაციის გაკეთება ნებისმიერი ხეთური ლურსმული ტექსტისა (იგულისხმება ტექსტი, რომელიც არ არის გამოცემული ან არ ყოფილა ლექციასემინარებზე სპეციალურად დამუშავებული).

16. შუმერული ენა 4

Sumerian language 4

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი გაიღრმავებს და განიმტკიცებს წინა საფეხურებზე (შუმერული ენა 1–3) მიღებულ ცოდნას, რის შედეგადაც იგი შეძლებს დაამუშაოს ნებისმიერი სირთულის შუმერული წერილობითი ძეგლი, რაც გულისხმობს ტექსტის ტრანსლიტერირებასთან ერთად, მისი ტრანსკრიფციის მომზადებას.

17. შუმერული მწერლობა

Sumerian literature

(ასირიოლოგიის საბაკალავრო პროგრამის არჩევითი საგანი)

კურსი შეისწავლის შუმერული ენის, შუმერული ლურსმული დამწერლობისა და მწერლობის სხვადასხვა დარგის შესახებ არსებულ ზოგად მახასიათებლებს. სტუდენტი შეიძენს სისტემურ ცოდნას ლურსმული დამწერლობის არსში და გაეცნობა სხვადასხვა შინაარსის მქონე შუმერულენოვანი ტექსტის თავისებურებებს.

18. შუმერული ენიდან თარგმანის თეორია

Theory of translation into Sumerian Language

(ასირიოლოგიის საბაკალავრო პროგრამის არჩევითი საგანი)

კურსი შეისწავლის შუმერული ენის საკვანძო საკითხებს. სტუდენტი წარმოდგენილი მაგალითების გარჩევისას ხელმეორედ დაუბრუნდება შუმერული ენის გრამატიკას და უფრო ღრმად გაიაზრებს ენის სტრუქტურას. გაარჩევს ნაწყვეტებს თარგმნილი ტექსტებიდან შესაბამისი კომენტარებით. შედეგად სტუდენტი გაერკვევა ამ ურთულესი ენიდან თარგმანის საკითხებში. სალექციო კურსი მომზადებულია უახლეს გამოკვლევებზე დაყრდნობით.

19. გილგამეშის ეპოსი

Epic of Gilgamesh

(ასირიოლოგიის საბაკალავრო პროგრამის არჩევითი საგანი)

კურსის მსვლელობისას სტუდენტი შეისწავლის და დაამუშავებს სამხრეთ შუამდინარეთის ლიტერატურულ ძეგლებს, კერძოდ ქ. ურუქის ლიტერატურული ტრადიციის გვირგვინს – გილგამეშის ეპოსის ყველა ვერსიას.

20. აქადური ენა 4

Akkadian Language 4

(ასირიოლოგიის საბაკალავრო პროგრამის არჩევითი საგანი)

კურსის გავლის შედეგად ბაკალავრი გაიღრმავებს და განიმტკიცებს წინა საფეხურებზე (აქადური ენა 1,2,3) მიღებულ ცოდნას. სტუდენტები წაიკითხავენ აქადურ ენაზე შესრულებულ სხვადასხვა ჟანრის (ლიტერატურულ, ისტორიულ, რელიგიურ, მითოლოგიურ) ტექსტებს, შეისწავლება აღნიშნული ტექსტების ტრანსლიტერირება, ტრანსკრიბირება, გრამატიკული ანალიზი და თარგმანი.

21. ეგვიპტური ენა 1

Egyptian language 1

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი შეისწავლის ეგვიპტური ენის გრამატიკის საფუძვლებს, გაეცნობა იეროგლიფური დამწერლობის თავისებურებებს, თანდათან შეაჩვევა იეროგლიფური ტექსტების კითხვას და ტრანსლიტერაციას.

22. ეგვიპტური ენა 2

Egyptian language 2

(ასირიოლოგიის საბაკალავრო პროგრამის არჩევითი საგანი)

კურსი, არსებითად, ეგვიპტური ენა 1-ის გაგრძელებაა. მისი გავლის შედეგად სტუდენტი დაეუფლება რთულ გრამატიკულ კონსტრუქციებს და შეივსებს ლექსიკურ მარაგს. ნასწავლი გრამატიკული და ლექსიკური მასალის განმტკიცდება სათარგმნი ტექსტებითა და სავარჯიშოებით.

23. ეგვიპტური ენა 3

Egyptian language 3

(ასირიოლოგიის საბაკალავრო პროგრამის არჩევითი საგანი)

კურსის ფარგლებში გათვალისწინებულია წინა საფეხურზე (ეგვიპტური ენა 1,2) მიღებული ცოდნის გაღრმავება და განმტკიცება. შედეგად, სტუდენტს საშუალება მიეცემა თარგმნოს ეგვიპტურ ენაზე დაწერილი ნებისმიერი სირთულისა და ჟანრის ტექსტი.

24. ურარტული ტექსტები

Uartian texts

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი ურარტული ტექსტების კითხვის მეშვეობით გაეცნობა ურარტული ენისა და დამწერლობის საფუძვლებს, ურარტუს ისტორიასა და კულტურას.

25. ასირიოლოგიის შესავალი

Introduction to Assyriology

(ასირიოლოგიის საბაკალავრო პროგრამის არჩევითი საგანი)

კურსი შეისწავლის ასირიოლოგიის რაობას, მის ქრონოლოგიურ და გეოგრაფიულ ჩარჩოებს, თემატიკას, ძირითად პრობლემატიკას და მათი შესწავლის მეთოდოლოგიურ საფუძვლებს.

26. ბუდიზმი

Buddhism

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის უძველეს მსოფლიო რელიგიას – ბუდიზმსა და ბუდისტურ სამყაროს, მისი არსის წარმოშობის ისტორიას, მთავარ მიმდინარეობებს, გავრცელების არეალსა და მნიშვნელობას მსოფლიო კულტურის საგანმურში. კურსის ფარგლებში აზიის დიდი სახელმწიფოების (ინდოეთი, ჩინეთი, კორეა, იაპონია) ნიმუშზე განიხილება ბუდიზმის, როგორც ფილოსოფიურ-რელიგიური მოძღვრების, სპეციფიკური ნიშან-თვისებები ისტორიული განვითარების სხვადასხვა ეტაპებზე.

27. იაპონიის ახალი და უახლესი ისტორია

Modern and Contemporary History of Japan

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის იაპონიის ისტორიის საკვანძო საკითხებს პოლიტიკური, სოციალურ-ეკონომიკური და კულტურული პროცესების სპექტრში; საერთაშორისო ურთიერთობების ფონზე (ახალი და უახლესი პერიოდი) ქრონოლოგიური თანმიმდევრობით განიხილება ისტორიული ფაქტები და მოვლენები იაპონიაში ტოკუგავას დინასტიის მმართველობის ხანიდან (1603-1867) მოყოლებული თანამედროვე პერიოდამდე.

28. იაპონიის ეკონომიკა

Economic of Japan

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნების სამეურნეო ცხოვრების იმ ელემენტებს, რომლებიც კონკრეტულ ისტორიულ პირობებში ჩამოყალიბდა და ვითარდება; იაპონიის განვითარების მოდელზე დაყრდნობით, სტუდენტები გაეცნობიან თანამედროვე საბაზრო ეკონომიკის კანონზომიერებებს, ეზიარებიან იაპონიის ეკონომიკური განვითარების მდიდარ გამოცდილებას.

29. ჩინეთის ახალი და უახლესი ისტორია

Modern and Contemporary History of China

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის ისეთ საკვანძო საკითხებზე, როგორცაა ჩინეთის პოლიტიკა I და II მსოფლიო ომში, ჩინეთის სახალხო რესპუბლიკის ჩამოყალიბება, მათი მდუნის მმართველობა, “კულტურული რევოლუციის” კრაზი, ჩინეთის ახალი ეკონომიკური პოლიტიკა, სოციალური და ფინანსური რეფორმები, საგარეო და საშინაო პოლიტიკა, ჩინეთ-საქართველოს ურთიერთობები.

30. ჩინეთის ეკონომიკა

Economic of China

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნების სამეურნეო ცხოვრების იმ ელემენტებს, რომლებიც კონკრეტულ ისტორიულ პირობებში ჩამოყალიბდა და ვითარდება; საგანგებო ყურადღებას გამახვილებული ჩინეთის სოციალურ-ეკონომიკური განვითარების თავისებურებებზე; ჩინეთის განვითარების მოდელზე დაყრდნობით, სტუდენტები გაეცნობიან თანამედროვე საბაზრო ეკონომიკის კანონზომიერებებს, ეზიარებიან ჩინეთის ეკონომიკური განვითარების მრავალფეროვნებასა და გამოცდილებას; წარმოჩნდება მსოფლიო ეკონომიკაში ჩინეთის სამეურნეო განვითარების როლი.

31. ევროპელების შეღწევა და ქრისტიანობის გავრცელება შორეულ აღმოსავლეთში

Penetrate of the Europeans and Spread of Christianity in the Far East

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნებში ევროპელების გამოჩენის ისტორიას, ქრისტიანობის გავრცელებასა და მის შემდგომ ბედს შესასწავლ რეგიონში. ყურადღება აქცენტირებულია იმ გარემოებაზე, რომ უძველესი ტრადიციებისა და ფილოსოფიურ-რელიგიური მოძღვრების მძლავრ კერებში დასავლეთიდან შეღწეულმა ქრისტიანულმა სარწმუნოებამ საგრძნობი გავლენა მოახდინა მათ პოლიტიკურ და კულტურულ ცხოვრებაზე.

32. ისტორიული ქალაქები და საქალაქო ცხოვრება შორეულ აღმოსავლეთში

Historical Cities and City Life in the Far East

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის (უმთავრესად ჩინეთისა და იაპონიის) ისტორიულ ქალაქებსა და საქალაქო ცხოვრებას. ყურადღება გამახვილებულია ისეთ სფეროებზე, როგორებიცაა: ქალაქების ისტორია, ყოველდღიური ყოფა-ცხოვრება, დემოგრაფია, ვაჭრობა-ხელოსნობა, მმართველობის ფორმები, საქალაქო კულტურა, სანახაობრივ-გასართობი დაწესებულებები და სხვა. შედარებითი ანალიზის საფუძველზე შესწავლილია სხვადასხვა რეგიონისა და ისტორიული პერიოდის ქალაქები, წარმოჩენილია მათი სპეციფიკური ნიშან-თვისებები.